

# FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabackins in Marciavieri, in plasse Contàrene e in Borg S. Bortolomeo

**Abonamens** par l'interno un An quatri francs: 6 mes doi francs: par l'estero il dopli.

**Inserzioms:** Intindist cu l'Aministrazion. Mandà i bez cun letare raccomandade o in vaglia postal al semplis indirizz: — **Aministrazion dal Florean dal Palazz — Udin**

## FLOREAN E LIS ELEZIONI

Sichè in brev o varin (Dio ce gust!) la solite corse, dai solis eletors, (1) ai solis local, par la solite votazion, cul solit sistema, (2) dai solis Conseirs comunai? (3) Violarin duncè in brev ance i solis CARTELLONS tai solis sis, cui solis peraulons, dai solis caporions, dai solis partis? CITTADINS ELETORS: *Guard'a voi!* La nestre Barache amministrative, magari no, e jè clopadizze e fàs zà ciche-ciache, se biel prest no si sopponte, spietaisi il *brututum!* No ghe ce un borò in cassa, (teste GAIO cum Sybille) Voleso tignile sù ste benedete Barache? E ben; e ocorin dai mestris. E i mestris sango e fur, ju vin oà noaltris? Acetait quindi la nestre Liste (e ure) CITTADINS ELETORS: La veso capide une volte a nò lassasi plui menà pal nàs, o tirà pe cuarde, come lis ciavris, da chei quatri o sis facendons plens di borie, i quai no tindin altri che a spadronegia e metius, sott i pis, cul pretest da la patrie (che non dian mai cognussude puerès, tant che fai voi), umilissims servitors di dugg i Guvians par che sei lor permitut di sta parsere dai altris? La veso capide? Uhm!.... Se la ves capide, NOALTRIS e vin l'onor di presentaus personis comifò e cioè dutt altri che ambiziòs e prepotens. Acetait duncè la nestre Liste (e doi) CITTADINS ELETORS: *Excelsior!* o spinte o sponte bisugne la sù, avanti avanti: l'umanitât batt il galop viars la cime dal progres: o trotà o rinculà, no jè vie di mezza. Ogni di un gnau trovât, ogni di une gnove scuviarte. La vite sta tal moto. *Avanti.... avanti. Abbasso i piatt fermi:* ju pal balcon, bisugne fà creps di lor!!! E par cheste facende i nestris a-

migos, (che sin NOALTRIS) e valin un Però! Acetait per tant la nestre Liste (e tre) CITTADINS ELETORS: Il mond di uè al è un mondât che al spavente: no si viod, no si sint che disordins, delis, orors di fa drezza i ciavei, (a cui che ju ha) ogni moment, di ogni bande. Religion, di quale? Amor di prossim? Eh si! False filantropie! Amor di patrie? Imposture! In une peraulle, mance il *timor di Dio*. A scongiurè, o almancul ritardà la rovine, e ul int *timorade* tant a cial dal Guviar che des Amministrazioms, e dal biel numar e son i nestris confradis che NOALTRIS us proponin. Acetait però la nestre Liste (e quatri). Manciaràs veramentri la Liste *quinte*, ossedi che dal cussi dett partit dal *Marchese Colombi*, ma il diaul si meti in chei imbroi! Che si disbrati mai cui che ha da fà!

- (1) Une tiarze part, rive e no rive.
- (2) A Liste sugeride, o preparade.
- (3) Pressopòc.

## CORISPONDENZE DI FLOREAN

Gurizze, 6 Jugh

Un, tu lu sas, al ha nomenat la nestre citat, Nizze austriache, cumò, in chesg tims di irendentismo nus disin Nizze dall'isunz. Che sei come che si ul al fatt sta che Gurizze e devente simpri plui bieles e plui riserciate dai furistirs che vegin a passà unmont di timp fra noaltris.

Al sarà fatt un gran hotel cun gran lusso e cun dutis lis comoditâs pussibilis. Lu faràn sui fons ex Formentini e al vignara vis-a-vis dal zardin public. E spindin un vincmil florins tal ingrandi e abeli il teatro. Tu sas zà che noaltris e vin un Stabilmient di bagnis comifò.

Lis corsis chest an e forin une parodie

# FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabackins in Marciavieri, in plasse Contarene e in Berg S. Bortolomeo

**Abonamens** par l'interno un An quatri francs: 6 mes doi francs: par l'estero il dopli.

**Inserzioms:** Intindist cu l'Aministrazion. Mandà i bez cun letare raccomandade o in vaglia postal al semplis indirizz: — **Aministrazion dal Florean dal Palazz — Udin**

## FLOREAN E LIS ELEZIONI

Sichè in brev o varin (Dio ce gust!) la solite corse, dai solis eletors, (1) ai solis local, par la solite votazion, cul solit sistema, (2) dai solis Conseirs comunai? (3) Viodarin duncè in brev ance i solis CARTELLONS tai solis sis, cui solis peraulons, dai solis caporions, dai solis partis? CITTADINS ELETORS: *Guard'a voi!* La nestre Barache amministrative, magari no, e jè clopadizze e fàs zà ciche-ciache, se biel prest no si sopponte, spietaisi il *brututum!* No ghe ce un borò in cassa, (teste GAIO cum Sybille) Voleso tignile sù ste benedete Barache? E ben; e ocorin dai mestris. E i mestris sango e fur, ju vin oà noaltris? Acetait quindi la nestre Liste (e ure) CITTADINS ELETORS: La veso capide une volte a nò lassasi plui menà pal nàs, o tirà pe cuarde, come lis ciavris, da chei quatri o sis facendòns plens di borie, i quai no tindin altri che a spadronegià e metius sotti pìs, cul pretest da la patrie (che non dian mai cognussude puerès, tant che fai voi), umilissims servitors di dugg i Guvians par che sei lor permitut di sta parsere dai altris? La veso capide? Uhm!.... Se la ves capide, NOALTRIS e vin l'onor di presentaus personis comifò e cioè dutt altri che ambiziòs e prepotens. Acetait duncè la nestre Liste (e doi) CITTADINS ELETORS: *Excelsior!* o spinte o sponte bisugne la sù, avanti avanti: l'umanitât batt il galop viars la cime dal progres: o trotà o rinculà, no jè vie di mezza. Ogni di un gnau trovât, ogni di une gnove scuviarte. La vite sta tal moto. *Avanti.... avanti. Abbasso i piatt fermi:* ju pal balcon, bisugne fà creps di lor!!! E par cheste facende i nestris a-

migos, (che sin NOALTRIS) e valin un Però! Acetait per tant la nestre Liste (e tre) CITTADINS ELETORS: Il mond di uè al è un mondât che al spavente: no si viod, no si sint che disordins, delis, orors di fa drezà i ciavei, (a cui che ju ha) ogni moment, di ogni bande. Religion, di quale? Amor di prossim? Eh si! False filantropie! Amor di patrie? Imposture! In une peraulle, mance il *timor di Dio*. A scongiurè, o almancul ritardà la rovine, e ul int *timorade* tant a cial dal Guviar che des Amministrazioms, e dal biel numar e son i nestris confradis che NOALTRIS us proponin. Acetait però la nestre Liste (e quatri). Manciaràs veramentri la Liste *quinte*, ossedi che dal cussi dett partit dal *Marchese Colombi*, ma il diaul si meti in chei imbroi! Che si disbrati mai cui che ha da fà!

- (1) Une tiarze part, rive e no rive.
- (2) A Liste sugeride, o preparade.
- (3) Pressopòc.

## CORISPONDENZE DI FLOREAN

Gurizze, 6 Jugh

Un, tu lu sas, al ha nomenat la nestre citat, Nizze austriache, cumò, in chesg tims di irendentismo nus disin Nizze dall'isunz. Che sei come che si ul al fatt sta che Gurizze e devente simpri plui bieles e plui riserciate dai furistirs che vegnin a passà unmont di timp fra noaltris.

Al sarà fatt un gran hotel cun gran lusso e cun dutis lis comoditâs pussibilis. Lu faràn sui fons ex Formentini e al vignarà vis-a-vis dal zardin public. E spindin un vincmil florins tal ingrandi e abeli il teatro. Tu sas zà che noaltris e vin un Stabilmient di bagnis comifò.

Lis corsis chest an e forin une parodie

bufonadis e di invenziuns di gnuv e pessim genar.

O voi a cioli un zigar di virginie la vie dal tabachin in plázze Contarene. Al jentre un borghesàn e i diis al paron: Che mi dei, sior, un caffè. — Po ce caffè oleso che us dei jò, al rispundè il tabachin, cul no si vend caffè, ma zigers e tabachin. — Po ce isal scritt là, al insistè il borghesàn, se guand cul dèt un cartelin sul mur: Infatti su chest cartelin si lêi: *Qui si vende il Caffè*. Si sa che al intind di fevelà dal Caffè che al è un sfuei gnuv che si publiche a Milan.

Doman in Tribunal, si discut une curiose cause penal. Si trate nujemanco che di une sclope che il fornar di borg di Vialte Gigi Bass i varès imprestade a un ciart Italic Lavagnolo e che chest no jè varès tornade plui ma vindude a un rigattir. E sentarin il truchet come che al si svolzarà devant la justizie: chell che al è ciart al è che Gigi Bass al è avonde inrabiat parcè che nol ha la so sclope, che al diis che jè tant buine par là a trai a ondis.

Vedarin dunce doman cui che ha reson e cui che ha tzart, e sperin che Gigi Bass al vevi di là a ciase cu la so sclope che intant e jè stado sequestrade.

Joihe che ven us savarai a di il rest de pantumine.

Oleso crodi? La tabachine..... e sta cujete, e dirès voaltris. Oh sì, nance par insiun: no ul stà plui cujetè. Po parcè, ce fasie?

Cumò si jè mitude a difindi il gnuv plevan di San Jacum che han olut falu la Curie e la fabricerie cuintri il vot di dugg i parochians. La tabachine e puarte a lis stelis il predi Tosolin, il gnuv plevan mitut in cariche da lis uardis di questure e dai carabinieri.

Dute la sante zornade e ten in buteghe catechisin par converti chei che son contraris a jessi contens di che perle di plevan, che al è nujemanco di che razze di patriòs da fabriche di Sant Spirt. E podès nome immaginasi e ce qualitat di tipos che son chei là, e la tabachine e ul daju come modei.

Se nol foss nome che il predi Tosolin al è difindut da la tabachine, i parochians di San Jacum no dovaressin savend nuje di lui. A la tabachine po che no dovarès impazzasi in robis da lis quals jè no s'intind, i dirai: tabachine sta cujete!

Cumò che i giornai di Udin mi han ciolte la man nell'argument dai strozzins, che viodin di fa ben la lor part e di no lassà fur nissun di chei galanzumin, che deven-tin siors cul sang dai puars; che viodin di no dismenteà chel moro in mostacis, che ogni di al ven pal borg di Glemone. R jè curiose! Come se no bastassin i nestris falcuzz, cumò capitin ance chei di ville. No han l'audacie nè la furbarie dai falcuzz de citàt, ma pai siornei bastin ance i falcuzz de ville, massimamentri se son viains alla citàt e se fasin leghe cun chei di Udin.

Guarda e savon e doprin i strozzins onde assicurasi ben des lor vitimis. Cussi al-manco e disin. Ma chell che al ha fatt un afar di vere cuarde, al è stat propit vev e genuin parcè che al ha acetade une cambial firmade da une contesse par 4000 francs. dangi tante cuarde, propit cuarde genuine. A chesg vedeso si po di afars di cuarde, ance senze savon.

An d'è di classichis, si par la martine marie! Il bidelo da l'istitut di San Spirt, no sai in ce zornade, al veve piulat masse un ninin, e sacre de vanzei che il vin lu veve fatt diventà di ideis unmont belicosis. Chestis ideis i costarin che lisuardis di questure lu becarin e lu menarin in uardiole.

Quand che lu molarin, il bidelo al tornà al istitut, parcè che oramai la cioche e jere plui che passade. Canonè, chei di San Spirt no intinderin che sei finide oussi, e tal ciassarin lor, par cont lor, in preson. Sis-signor, parcè che i predis la vie e han une preson special che doprin a lor plazè.

Che chei di San Spirt e sein come il Pape che nol ul ricognossi lis autoritas e lis lêz dal Guviar nazional?!

Mi scrivin che un tal fur de puarte di Puscuell al si scalmanave unmont parcè che e balin la vie dal Stalo Venezia. Al veve tentat di fa firmà une petizion dai abitans fur de puarte par che e proibissin la fieste di ball, ma al par che nol sei riescit tal scopo.

Par altri mi disin che al ha otignut che invece di finì di balà a miezegnott e sognin finì a lis undis.

Jo no capis ce gust che si vevi di vè di fa mal ai altris pal sol gust di fa mal. Cor-po e ance dal diaul jo o vorès che che, tai, che son invidios, rabios, e vendicativs, no vessin di vè mai ben, parcè che propit ne lu meritin. Si ha di vivi e lassà vivi, e il mal dai altris nol quince chell di nissun.

Che ognun al atindi, ai fàss siei, e quand che la int si inzegne onoratamentri, senza fa mal a nissun, par vivi e tirà indenant la barache e jè une vere porcade a là a rompi la..... devozion. Se chell tal al continuerà in te so uere stupide e danose, i darin un'altrè volte un calmant che i farà unmont ben. Hal capit?

Si viod propit che chei de *Patine* e han piardut la bussola. Nujemanco che si fasin i paladins dal predi Tosolin, gnuv plevan di San Jacum, publicand dai articui che no son altri che la ripetizion di ce che esberle in buteghe la tabachine..... che cumò no sta cujete.

No us parial che al sei un biel ambo? La tabachine e la *Patrie de roe* pal plevan di San Jacum cūntri dugg i parochians, no puedin falà e se il predi Tosolin al va ator cūn chei mocul al è plui che sicur che al va a durmì a scur.

Mi par di viodiju *Merr Muse* o *Gintssan* al brazzeto cu la tabachine. Oh ce bisù, oh ce delizie. Chell fole mi trai che a laju a ciri cu la lanterna no si ciatin biei tipos compagnis!

Ance *Senior* dal *Friul* (no la birarie, il sfuei) al ha finit la so gloriose carriere giornalistiche. Ce che mi displà di no podè lèi plui chei articui pulitichis che mi conciliavin il sion cussi ben la sere tal jett. Oh cumò mi tocierà di cieli la durmiòle epur lèi dis rivistis pulitichis settimanals di *padre Pacific* dal *Giornal di Udin*. Us garantis jo che tant articui di *Senior* come chei di *padre Pacific* e son di effet sicurissin par chi che patis la sveagole.

Mi assicurin che apene Bismarek al ha savut la risoluzion di *Senior* al si è consolat, parce che cumò al po jessi sicur che nissun lu ribatte idal puest di regolator da la pulitiche europe. Diambat *Senior* nòl ul savend plui de pulitiche e dunco cūn podessissal aspirà al puest di Bismarek? Se nol foss il miò ami Francesconi tal s'è...

Domenle, lunis e martars gran sagre cūn feste di hall a Maran. Florean al è invitat da Bernard Bembo e al va...

Florean al ha ricevut une letare de Maghe di borg di Viole a proposit dei ultim articui sun je. El jè un capolavor che mi displà di no podè publicale nà. Al sarà par joibe che ven.

O ricev e o publichi:

*Ciar Florean.*

O hai lét cun plazè ce che tu has scritt tal to sfuei a proposit di ciarts e ciartis che van a la musiche par fa e di nome scempiez.

Par altri tu dovareassis anco dai une tirade di orellis a chei tai moscardins che si implantin, massime sul principi, dai puartis di Marciatviari, e impedissin il passàz e anco e oblein a sinti i lor piui o manco biei complimenz che e direzin a lis fantatis che passin fra miez.

Ma pazienze par chesg complimenz, ma al è qualchidun mal educat, al è qualche vilan che al si permet anco di di des peraulis che fasin diventà rosse plui di une pivele e si lassin anco là a qualche brutt scherz di man approfittand de fole, de confusion, e dal lug strett di passaz.

Chestis e son robis che no dovareassin succedi se chei moscardins e vessin imparat un poce di creanze e se si pensassin che anco lor e han surs a ciase a lis quals i podarès tocìe laud a sinti la musiche chell che i tocìe a ches altris.

Tu mi farèssis dunco un gran plazè a dai publicazion a cheste me letare e intant ti ringrazi e ti saludi.

*Un sartorele.*

## LITERATURE DI FLOREAN

### CANZONETE

O Mariute, Mariutine,  
idul miò, speranze me,  
tu tu sès la me ninine,  
no pues stà senze di te.  
Cussi bieie, cussi buine,  
come un Agnul del Signor,  
amorse, graziosine,  
plance e rosse come un flor.  
O Mariute, Mariutine,  
idul miò, speranze me,  
tu tu sès la me ninine,  
no pues stà senze di te.  
Co ti viod a la lontane,  
tic e toe mi fà il cur,  
e mi ciupe une scalmene,  
un tremas che quasi o mur.  
O Mariute, Mariutine,  
idul miò, speranze me,  
tu tu sès la me ninine,  
no pues stà senze di te.

VINCENZO LUCCARDI, gerent responsabil.

Udin, Stamparie Achille Montalbani.